

ՄՇԱԿՈՒԹԱՅԻՆ ԿՅԱՆՔԸ ՍՓՅՈՒՌԱՆՈՒՅՆ

(1963 թ. հունվար — հունիս)

Ք ու լ զ ա ռ ի ա

Քուլդարիայի Բուրդաս քաղաքի «Երևան» միության մասնաճյուղի թատերախումբը բեմայրել է «Միքայել Նալբանդյան» պիեսը, որը թատերգության է վերածել Կ. Ծոպոյանը: Վառնայի թատերասերները բեմադրել են Զ. Պառոնյանի «Ատամնարություն արևելյան» պիեսը: Մյուս քաղաքների հայկական թատերախմբերը ևս իրականացրել են մի շարք նոր բեմադրություններ:

(«Երևան», Սոֆիա)

* * *

«Նարոդնա կուլտուրա» շաբաթաթերթը հատուկ հոդված է նվիրել բուլղարահայ կոմպոզիտոր Ա. Բերբերյանին: Երիտասարդ կոմպոզիտորը հայտնի է դարձել մի շարք երգերով և վոկալ-սիմֆոնիկ ստեղծագործություններով: Նրա «Ռապսոդիան քաղաքի» դաշնամուրի և նվագախմբի համար, որը նվիրված է Սովետական Հայաստանի 40-ամյակին, մտնում է պետական սիմֆոնիկ նվագախմբի հայտագրի մեջ: Ա. Բերբերյանը այժմ աշխատում է «Սիմֆոնիա-պոեմի» վրա, որը նվիրված է Բուլղարիայի 1923 թ. սեպտեմբերյան ապստամբության 40-ամյակին: Միաժամանակ նա գրում է «Օղը պայծառ պետք է լինի» օպերան: Ա. Բերբերյանը ղեկավարում է Վառնայի «Երևան» միության մասնաճյուղի նորաստեղծ երգի ու պարի անսամբլը, որը կազմված է 70-ից ավելի երգողներից ու պարողներից:

(«Երևան», Սոֆիա)

* * *

Մկրտիչ Արմենի «Ներքին աղբյուր» վիպակը բուլղարական պետական հրատարակչության կողմից լույս է ընծայվել թուրքերեն լեզվով: Թարգմանությունը կատարել է «Երևան» թերթի աշխատակից Ս. Փաշաճյանը:

(«Երևան», Սոֆիա)

Ռ ու մ ի ն ի ա

Բուխարեստի երիտասարդական հրատարակչությունը «Ամենագեղեցիկ բանաստեղծություններ» մատենաշարով լույս է ընծայել հայ միջնադարի մեծ քնարերգու Նահապետ Քուչակի բանաստեղծությունների հատորը: Քուչակի 100 բանաստեղծություններ ումիներեն են թարգմանել ումիներեն գրողներ Վիկտոր Քուչուրեն և Տան Տեշիուն, որոնք Քուչակին համարում են «աշխարհի մեծագույն քնարերգուներեն մեկը»:

(«Նոր կյանք», Բուխարեստ)

Լ ի բ ա ն ա

Լիբանանում «Ուրարտու» հրատարակչությունը լույս է ընծայել «Սփյուռքահայ ալբոմի» առաջին հատորի Ա դիրքը, որը նվիրված է Լիբանանի հայ գաղութին: Խոսելով գաղութի ծագման մասին, Զ. Նազարենը այն կարծիքն է հայտնում, որ հայերը, մասնավորապես Բեյրութում, հիմնավորվել են 1700 թվականին: Հեղինակը մանրամասն տեղեկություններ է տալիս Լիբանանի հայության պատմությունից, խոսում նշանավոր Լիբանանահայերի մասին, պատմում գաղութի կրթական, մշակութային, մարզական, առողջապահական կյանքի, մամուլի մասին: Ալբոմի ամբողջ առաջին հատորը նվիրվելու է Մերձավոր և Միջին Արևելքի հայաբնակ վայրերին, երկրորդ հատորը՝ Եվրոպայի և Ավստրալիայի, երրորդը՝ Հյուսիսային և Հարավային Ամերիկայի գաղութներին, իսկ չորրորդ հատորը կնվիրվի 1916—1960 թթ. վախճանված սփյուռքահայ նշանավոր դեմքերին:

(«Այդ», Բեյրութ)

* * *

Վերջերս Իտալիայի Ռեժիո էլիայի մրցանակաբաշխությանը մասնակցած 70 երգիչներից հինգը արժանացել են ոսկե մեդալի: Լիբանանահայ շնորհալի երգչուհի Սեդա Բալայանը

նույնպես ոսկե մեղալ է նվաճել և միաժամանակ արժանացել «Առաջիններից առաջին» տիտղոսին:

(«Արարատ», Բեյրութ)

Մ Յ Ռ

Կահիրեի հայ գեղարվեստասիրաց միության թատերախումբը ներկայացրել է Ա. Կասոնայի «Ծառերը կանգնած են մահանում» պիեսը, որը բեմադրել է Վահե Բոյաճյանը: «Արև» թերթը հատկապես նշում է Այծեմիկ Բոյաճյանի խաղը, որը հանդես է եկել տատիկի դերում:

(«Արև», Կահիրե)

Բ Ե Լ Գ Ի Ս

Հայտնի եգիպտագետ Կրրակ Մխիթարյանը 1962 թ. Սովետական Հայաստան կատարած այցելությունից Բելգիա վերադառնալուց հետո տեղի հայկական շրջանների համար բնդարձակ զեկուցում է կարդացել Հայաստանի հնագրության եկեղեցիների ճարտարապետության վերաբերյալ, միաժամանակ ցուցադրելով բազմաթիվ դոնավոր լուսանկարներ: Նույն զեկուցումը նա կրկնել է Գեղարվեստի թանգարանում: Ա. Մրխիթարյանը պրոֆ. Հանրի Գրեգուարի հրավերով բանախոսել է նաև «Յոնտասիոն Յունիվերսիթեթ»-ի մեջ:

(«Ներտասարդ Հայաստան», Նյու-Յորք)

Ֆ Բ Ա Ո Ս Ի Ս

Ամեն տարի Սորբոնի համալսարանում կազմակերպվում է «Ժողովուրդները ևրդում են» տոնահանդեսը, որին իրենց ազգային տարազներով մասնակցում են տարրեր ազգերի ուսանողներ, ցուցադրելով իրենց երգերն ու պարերը: Իյս տարվա զարնանր տեղի ունեցավ 17-րդ տոնահանդեսը, որի նախաձեռնողներն ու կազմակերպիչներն էին Հ. և Ա. Թորոսյան քույրերը: Բազմաթիվ ազգերի ներկայացուցիչների հետ իրենց արվեստը ցուցադրեցին նաև ֆրանսահայ երիտասարդները: Հանդիսականները ջերմորեն ընդունեցին Սևրի Մուրադ Ռաֆայելյան վարժարանի 100 մարդուց բաղկացած երգչախմբի ելույթը: «Սոսի» պարախումբը «Արմենիա» նվագախմբի ընկերակցությամբ ցուցադրեց աղջիկների և տղաների հայկական պարեր:

(«Աշխարհ», Փարիզ)

* * *

Պրանսիայի անվանի դրամատուրգ, ծագումով հայ Արթուր Ադամովի նոր գործը՝ «71-ի զարուր» ներկայացվել է Սեն Դենի քաղաքի «Ժերար Ֆիլիպ» թատրոնում: Պիեսը նվիրված է Փարիզի Կոմունայի ղեպներին: Թատերախումբը պատրաստվում է այդ ներկայացումով հյուրա-

խաղերի մեկնել Բելգիա, Շվեյցարիա և այլ երկրներ:

(«Աշխարհ», Փարիս)

Թ Ո Ւ Բ Ի Ս

Երկար տարիներ Գերմանիայում ապրող տաղանդավոր ղաշնակահարուհի Մարիա Գալեմ-քերյանը այցելել է Ստամբուլ և երկու համերգ տվել: Նա հանդես է եկել նաև Մխիթարյան Սանուց միությունում: Անցյալում ղաշնակահարուհին, որպես նվագակցող, հռչակավոր ուսերգիչ Ֆ. Շալյապինի հետ շրջագայել է Նվրոպայի բազմաթիվ երկրներում:

(«Աշխարհ», Փարիզ)

Ա մ ե ռ ի կ ա ս ի Մ ի ա ց յ ալ Վ ա ի ա ն Գ Ե Ն Ե

Ամերիկայի դմյուռնահայ միության նախաձեռնությամբ հրատարակվել է «Հուշամատյան ալրում»՝ նվիրված Զմյուռնիայի հայկական գաղութին: Հրատարակությունը բաղկացած է 208 էջից, ունի 300-ից ավելի լուսանկարներ: Ալբոմում տեղ գտած նյութերը ծանոթացնում են Զմյուռնիայի հայ գաղութի կրթական, մշակութային, մարզական և այլ կազմակերպությունների կյանքին: Գաղութի պատմությանն է նվիրված վաստակավոր ուսուցիչ Սարգիս Ամատյանի հոդվածը, որտեղ տրված է գաղութի անցած աճրող ուղին՝ նրա սկզբնավորումից մինչև 1922 թ.:

(«Երարեր», Նյու-Յորք)

* * *

Ամերիկահայ առաջադիմական միության Նյու-Յորքի քաղաքային վարչության նախաձեռնությամբ կազմակերպվել է Երեկոյթ՝ նվիրված Սայաթ-Նովայի ծննդյան 250-ամյակին: Ընդարձակ դասախոսությամբ հանդես է եկել Հ. Սանսիվասը, որը ունկնդիրներին հանգամանորեն ծանոթացրել է Սայաթ-Նովայի կյանքին ու ստեղծագործությանը: Երեկոյին Սայաթ-Նովայի երգերի կատարումով հանդես է եկել երգչուհի Սյուզան Սիմոնեն:

(«Երարեր», Նյու-Յորք)

* * *

Վիլյամ Սարոյանը «Նյու-Յորք Թայմս» թերթի թղթակցի հետ ունեցած զրույցի ժամանակ հայտնել է, որ մտադիր է Նյու-Յորքում բեմադրել իր «Աղջիկներ» նոր թատերգությունը: Նա նշել է, որ իր այս դործը նման չէ մյուսներին, և շատերը չեն հավատա, որ դա ինքն է գրել: Վ. Սարոյանը հայտնել է, որ այժմ ինքը պատրաստել է և դրում է նոր պիեսներ ու կարճ թատերգություններ:

(«Արև», Կահիրե)

* * *

Հոս-Անժելոսի թատերասրահներից մեկում 1000 հանդիսատեսի ներկայությամբ տեղի է ունեցել հայ երաժշտության մեծ համերգ, ընդ որում է ունեցել տեղի 75 հոգուց կազմված հայկական քառաձայն երգչախումբը՝ ճանաչված երգչուհի Զարուհի Վարդյանի ղեկավարությամբ: Խումբը կատարել է Եկմալյանի, Կոմիտասի, Հենդելի, Կարա-Մուրզայի, Սարյանի, Բերբերյանի և ուրիշների գործերը: Համերգին մասնակցել են տեղի օպերային թատրոնի մենեջրիներ Ժակլին Շահբաղյանը և Լևոն Փարթամյանը, ինչպես նաև երգչուհիներ Սյուդան Նազարյանը, Հուսի Աղաբաբյանը, Լուիզ Մկրտչյանը: Զերմ ընդունելության է արժանացել տաղանդավոր ջութակահար Վարուժան Քոճյանը, որը ներկայումս Հարավային Կալիֆորնիայի համալսարանում աշակերտում է հռչակավոր ջութակահար Յաշա Հայֆեցին: Լ. Քոճյանը յիշրութահայ է, նա բազմաթիվ համերգներով հանդես է եկել Միջին Արևելքի ու Եվրոպայի քաղաքներում, շահել է մի շարք մրցանակներ, հղել է Հոոմի Սանտա Զեչիլիա նվագախմբի գլխավոր մենակատարը՝ 1957 թ. Բաալբեկի միջազգային տոնախմբության ժամանակ:

(«Նոր օր», Ֆրեզնո)

* * *

Հայտնի է, որ Հարվարդի համալսարանում գործում է հայագիտական ամբիոն: Այժմ մի խումբ հայերի նախաձեռնությամբ միջոցներ են ձեռք առնվում՝ Կալիֆորնիայի (Հոս-Անժելոսի) համալսարանում ևս հայագիտական ամբիոն ստեղծելու ուղղությամբ:

(«Նոր օր», Ֆրեզնո)

Ա Ր Գ Ե Ն Ի Ն Ա

Արգենտինայի Ավեթանետա քաղաքի սիմֆոնիկ նվագախումբը Խոզե Ռոդրիգես Ֆորի ղեկավարությամբ տվեց 1963 թ. դասական համերգաշարի իր առաջին համերգը, որի ժամանակ Մոցարտի և Լիստի ստեղծագործությունների հետ միասին առաջին անգամ կատարվեց նաև սովետահայ կոմպոզիտոր Զիվան Տեր-Քաղևոսյանի «Լիրիկական պոեմը»: Կոմպոզիտորի կենսագրական և ստեղծագործական նկարագիրը տվեց դաշնակահարուհի Անթառամ Ահարոնյանը:

(«Սևան», Բուենոս-Այրես)

Ա Ն Գ Լ Ի Ա

Հոնդուրի Հայ երիտասարդաց միությունը կազմակերպել է ղեկավարվեստական հավաքույթ: Բեյրութի «Համազգային» թատերախմբի անդամ Վարուժան Խրտըշյանի ղեկավարությամբ բեմադրվել են երեք հատվածներ Հ. Պարոնյանի «Քաղաքակրթության վնասներ»-ից: Ելույթ է ունեցել միության երգչախումբը՝ Բաֆֆի Արմենյանի ղեկավարությամբ: Նույն երգչախումբը հայկական երգերի կատարումով հանդես է եկել Հոնդուրի «Կայսերական ճեմարանի» ուսանողական միության կազմակերպած հանդեսում:

(«Զարթոնք», Բեյրութ)

* * *

Հոնդուրի Քովենտ Գարդենի հռչակավոր պարուհի Մ. Ֆոնտենը Բուդապեշտի օպերայի արվեստագետ Վիկտոր Ռոնա Բալիովայի հետ մեծ հաջողությամբ բեմադրել է Արամ Խաչատրյանի «Գայանե» բալետը:

(«Արարատ», Բեյրութ)

Վ. ԵՐԿԱՆՅԱՆ